

[Augsburg], 9. Februar 1566

An [Christoph Gugel d. J.?]

Druck: Murr, Anmerkungen S. 67f. (Auszug); Murr, Memorabilia, Bd. 3, S. 170 (ebenso).

Etc. Isocrates meus hic excuditur forma octaua, charactere grandiusculo, quo corrigendo et indice conficiendo sum occupatus. Genus orationis pro virili expoliui, non sine magnis laboribus et molestiis, nulla spe vlli remunerationis, sed existimationis meae rationem habendam esse duxi. Praefationem neq. veterem neq. nouam addere constitui, etsi enim veteris patroni me negligunt, tamen lucelli spe nouum quaerere sordidum mihi ad famam fuerit. Itaque in primae pageliae dorso haec tantum verba adscribere decreui: *Isocrates latinus, Norimbergensi reipublicae. ab Hieronymo Wolfio quartum iam dedicatus.* Reliquis duabus dedicationibus, Lutetiana latina et Basiliensi graecolatina me non captare nouum munus professus sum, humanitatis tamen fuisse tam locupletis et celebris ciutatis, saltem accepisse se munuscula mea vt significaret. Quod quia factum non est, dubito an ad senatummittenda sit haec editio, qua de re tuum consilium expecto. Vale.